

Bosna i Hercegovina  
Federacija Bosna i Hercegovina  
Tuzlanski kanton  
Javna ustanova Prva osnovna škola Srebrenik  
Broj: 08-2163-1/24  
Datum: 05. 11. 2024. godine

Na osnovu člana 70. stav (3) i (6) Zakona o javnim nabavkama („Sl. glasnik BiH“, broj: 39/14, 59/22 i 50/24), i preporuke Komisije za javne nabavke konstatovane u Zapisniku o pregledu i ocjeni ponuda, direktor Javne ustanove Prva osnovna škola Srebrenik donosi sljedeću:

**ODLUKU**  
**o izboru najpovoljnijeg ponuđača**  
**u konkurentskom zahtjevu za dostavu ponuda**

**Član 1.**

Ugovor za nabavku usluga „Rekonstrukcija grijanja/ nabavka, ugradnja i puštanje u rad toplotne pumpe/dizalica topline u područnoj školi u Babunovićima" u vrijednosti od 11.161,10 KM bez uračunatog PDV-a, odnosno 13.058,50 KM sa uračunatim PDV-om dodjeljuje se ponuđaču: DOO "Fudo-Mont" Srebrenik, sa registrovanim sjedištem ponuđača na adresi 21. Divizije bb, 75350 Srebrenik, IDB: 4209566740002, koji je u konkurentskom zahtjevu za dostavu ponuda dostavio prihvatljivu ponudu sa najnižom cijenom, nakon provedene e-aukcije.

**Član 2.**

Izabrani ponuđač dužan je u roku od 5 (pet) dana od dana prijema ove odluke dostaviti originale ili ovjerene kopije dokumenata iz člana 45. Zakona o javnim nabavkama.

**Član 3.**

Ugovor o nabavci usluga dostavit će se na potpis izabranom ponuđaču iz člana 1. ove Odluke po proteku roka za žalbu na ovu odluku, računajući od dana kada je ponuđač obaviješten o izboru najpovoljnije ponude.

**Član 4.**

Ova odluka će biti objavljena na web stranici ove ustanove [www.prvaossrebrenik.skolatk.edu.ba](http://www.prvaossrebrenik.skolatk.edu.ba) i to istovremeno s upućivanjem odluke ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

**Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

**Obrazloženje**

Javna ustanova Prva osnovna škola Srebrenik je u skladu sa članom 88. Zakona o javnim nabavkama pokrenula konkurentski zahtjev za dostavu ponuda broj: 08-2015-3/24 od 17.10.2024. godine za prikupljanje ponuda za nabavku radova: „Rekonstrukcija grijanja/ nabavka, ugradnja i puštanje u rad toplotne pumpe/dizalica topline u područnoj školi u Babunovićima" Na portalu javnih nabavki objavljeno je Obavještenje o nabavci broj: 5444-7-3-1-3-3/24 od 18.10.2024. godine.

Ukupna procijenjena vrijednost nabavke iznosila je 11.288,00 KM bez PDV-a, a kriterij za dodjelu ugovora je „najniža cijena“.

Na osnovu obavještenja o nabavci i tenderske dokumentacije izvršeno je javno otvaranje ponuda dana 29.10.2024. godine u 12:00 sati u prostorijama Javne ustanove Prva osnovna škola Srebrenik, što je konstatovano u Zapisniku o otvaranju ponuda u skladu sa Zakonom.

Komisija za nabavku, imenovana Rješenjem, broj: 08-2015-2/24 od 17.10.2024. godine, na javnom otvaranju ponuda konstatovala da su ponude blagovremeno predala 2 (dva) ponuđača.

Komisija je prema članu 65. Zakona pristupila pregledu i ocjeni ponuda, što je konstatovano u Zapisniku o pregledu i ocjeni ponuda broj: 08-2124-2/24 od 30.10.2024. godine, koji je sastavni dio ove Odluke.

S obzirom na to da je Ugovorni organ u tenderskoj dokumentaciji i obavještenju o nabavci predvidio provođenje e-aukcije, u skladu sa članom 4. stav (2) Pravilnika o uslovima i načinu korištenja e-aukcije ("Službeni glasnik BiH", broj: 80/23), e-aukcija je održana dana 04.11.2024. godine sa početkom u 11:00 sati i završetkom u 11:10 sati.

Izveštaj o toku i završetku e-aukcije nalazi se u prilogu Zapisnika.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, rukovodilac ugovornog tijela nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Shodno prijedlogu i preporuci Komisije za nabavke datoj u Zapisniku o pregledu i ocjeni ponuda, broj: 08-2124-2/24 od 30.10.2024. godine, Ugovor o nabavci usluga: Rekonstrukcija grijanja/ nabavka, ugradnja i puštanje u rad toplotne pumpe/dizalica topline u područnoj školi u Babunovićima" u vrijednosti od 11.161,10 KM bez uračunatog PDV-om, odnosno 13.058,50 KM sa uračunatim PDV-a, nakon uspješno provedene e-aukcije, dodjeljuje se ponuđaču DOO "Fudo-Mont" Srebrenik, sa registrovanim sjedištem ponuđača na adresi 21. Divizije bb, 75350 Srebrenik, IDB: 4209566740002, koji je u konkurentskom zahtjevu za dostavu ponuda podnio prihvatljivu ponudu sa najnižom cijenom.

Ponuda ponuđača DOO "Multi Electronics" Živinice, koji je u predmetnom postupku dostavio ponudu je također ocijenjena kao prihvatljiva, međutim primjenom kriterija „najniža cijena“, odlučeno je kao u dispozitivu ove Odluke.

Shodno navedenom, ugovorni organ je prihvatio prijedlog Komisije za nabavku i donio Odluku kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba u roku od 5 (pet) dana od dana prijema ove Odluke. Žalba se izjavljuje URŽ-u putem ugovornog organa u pisanoj formi, direktno, elektronskim putem ili preporučeno poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

#### **Prilog:**

- Zapisnik o pregledu i ocjeni ponuda, broj: 08-2124-2/24 od 30.10.2024. godine



Direktor škole:

*Mirza*  
Mirza, prof.

#### **Dostaviti:**

- Ponuđačima koji su predali ponude
- Računovodstvo
- a/a